

Cov Lus Coj Qhia Txog Kev Lom Zem Tawm Rooj, Cov Chaw thiab Laj Mej Pej Xeem



Keeb Kwm

Cov kev coj qhia los ntawm Minnesota Tuam Tsev Tswj Xyuas Cov Xeeb Txawm Nruab Zoo (Department of Natural Resources) (DNR) thiab Minnesota Tuam Tsev Tswj Xyuas Kev Noj Qab Haus Huv (Minnesota Department of Health) (MDH) nram no yog rau cov kev lom zem tawm rooj rau thaum lub caij muaj tus kab mob kis thoob ntiaj teb COVID-19, raws li [MN Lub Tswv Yim Nyob Kom Nyab Xeeb \(Stay Safe MN Plan\)](#). Cov lus coj qhia yuav teev txog cov kev tiv thaiv laj mej pej xeem txoj kev noj qab haus huv ntawm cov **Chaw Ua Kev Lom Zem Tawm Rooj thiab Laj Mej Pej Xeem** tib si.

Cov lus coj qhia no tsis teev txog, tiam sis tej zaum muaj feem xyuam txog:

- Cov koom txoos ntaus pob ncaws pob/kev kis las rau cov hluas thiab cov laus, uas yuav tsum tau coj raws [Kev Coj Qhia Kom Nyob Nyab Xeeb rau Cov Koom Txoos Ntaus Pob Ncaws Pob \(Stay Safe Guidance for Organized Sports\)](#).
- Cov kev pab rau neeg hluas, raws li [MDH thiab Cov Chaw Tswj Kab Mob \(Centers for Disease Control\) \(CDC\) cov kev coj qhia](#).
- Cov koom txoos sab nraum zoov thiab kev lom zem (xws li cov kev saib muv vim, cov kev ntaus suab paj nruag hauv tshav ua si, cov kev saib nees, chaw ntaus pob golf me, cov chaw caij khoom ua si, thiab tej chaw li ntawd), raws li [Kev Coj Qhia Kom Nyob Nyab Xeeb Hauv Kev Lom Zem \(Stay Safe Guidance for Entertainment\)](#).

- Kev tswj cov pas teev dej da, raws li [Kev Coj Qhia Kom Nyob Nyab Xeeb rau Kev Rov Qhib Cov Pas Teev Dej Da thiab Cov Tsev Muaj Dej Da \(Stay Safe Guidance for Reopening Swimming Pools and Aquatic Facilities\)](#).
- Kev tswj cov chaw muaj khoom noj thiab dej haus ntawm cov chaw ua kev lom zem tawm rooj. Thov mus xyuas [Kev Coj Qhia Kom Nyob Nyab Xeeb rau Kev Rov Qhib Cov Khw Ua Noj Ua Haus thiab Khw Haus Dej Caw \(Stay Safe Guidance for Safely Reopening Restaurants and Bars\)](#) kom paub meej ntxiv.

Thov mus xyuas [MN Nyob Nyab Xeeb \(Stay Safe MN\)](#) kom paub ntxiv thiab cov kev coj qhia txog kev rov qhib qee hom lag luam thiab qee cov chaw rau neeg mus sib txuam ua ke uas tsis teev muaj nyob rau ntawm no.

Yuav muab DNR/MDH Cov Kev Coj Qhia Txog Kev Lom Zem Tawm Rooj kho tshiab tsis tu ncuu, raws li tsim nyog.

COV KEV COJ QHIA TXOG COV CHAW UA KEV LOM ZEM TAWM ROOJ

Cov Kev Xam Txog Dav

1. Tag nrho cov chaw ua kev lom zem tawm rooj uas tau kev tso cai qhib yuav tsum tsim muaj thiab siv lub Tswv Yim Npaj Tawm Tsam Tus Kab Mob COVID-19 (COVID-19 Preparedness Plan) kom tswj tau txoj kev poo raug tus kab mob. Cov chaw yuav tsum tswj kom Lub Tswv Yim muaj kev ntsuas, kev soj qab xyuas, kev raus tes siv, thiab muaj kev kho tshiab mus raws li txoj kev saib xyuas los ntawm Tus Kws Tuav Tswj Lub Tswv Yim. Cov tswv khiav lag luam yuav tsum tswj kom muab Lub Tswv Yim rhais tshaj tawm rau ntawm txhua lub chaw ua hauj lwm hauv lub lag luam kom txhua tus neeg ua hauj lwm pom tau yooj yim raws li kev tswj Thov mus xyuas [Kev Coj Qhia Kom Nyob Nyab Xeeb rau Txhua Hom Lag Luam \(Stay Safe Guidance for All Business Entities\)](#).
2. Txawm cov chaw ua kev lom zem tawm rooj qhib tam sim no lawm los yeej tseem tsis tau pom zoo rau cov pej xeem Minnesota tawm mus ncig ua si yam tsis tsim nyog. Cov chaw ua kev lom zem yuav tau ua lawv tes dej num pab txwv cov neeg qhua txoj kev tawm mus los – xws li muaj cov khoom siv nyob rau ntawm lub chaw.
3. Cov chaw ua kev lom zem yuav tsum tshab xyuas [Cov Chaw Tswj Kab Mob \(Centers for Disease Control's\) \(CDC\) Cov Chaw Muaj Kev Pab rau Cov Lag Luam thiab Cov Tswv Khiav Lag Luam \(Resources for Businesses and Employers\), CDC Cov Chaw Muaj Kev Pab rau Cov Tiaj Ua Si thiab Cov Kev Lom Zem \(Resources for Parks and Recreational Activities\), Kev Coj Qhia Kom Nyob Nyab Xeeb rau Cov Lag Luam & Cov Koom Haum \(Stay Safe Guidance for Businesses & Organizations\), thiab Kev Coj Qhia Kom Nyob Nyab Xeeb rau Cov Lag Luam Muaj Kev Lom Zem Tawm Rooj \(Stay Safe Guidance for Outdoor Recreation Entities\)](#) kom paub cov kev coj nyab xeeb tshaj plaws hauv chaw ua hauj lwm tam sim no.
4. Rhais cov paib thiab lwm cov ncauj lus rau ntawm lub chaw, nrog rau cov qhov rooj thiab rau lwm cov chaw uas cov qhua thiab cov neeg tuaj xyuas pom tau yooj yim. Muaj cov khoom ntaub ntawv

saum huab cua ntawm [MDH Cov Ntaub Ntawv thiab Chaw Muaj Kev Pab](#) thiab ntawm [CDC Cov Kev Pab Sib Txuas Lus \(Communication Resources\)](#).

Cov qauv ncauj lus ua piv txwv:

- Nyob sib nrug ntawm lwm cov neeg kom ze kawg nkaus yog 6 xib taws txhua lub sij hawm, tshwj tsis yog cov neeg yog tib yim neeg.
 - Nquag ntxuav koj ob txhais tes nrog tshuaj xub npum thiab dej mus luv kawg li 20 lij; yog tias tsis muaj tshuaj xub npum thiab dej siv tau, siv cov tshuaj pleev tes uas txuam muaj tsawg yog li 60% cawv.
 - Xyeej txoj kev chhv cov qhov muag, qhov ntswg thiab qhov ncauj nrog cov tes tsis tau ntxuav.
 - Txhua tus neeg muaj cov kev mob tshwm sim zoo xws li tus kab mob COVID-19 (nrog rau kev ua npaws kub ib ce, hnoos, los sis ua pa nyuab) yuav tsum tau nyob twj ywm tom tsev thiab tsis txhob koom ua cov kev lom zem tawm roo. Xav paub ntxiv, mus xyuas [CDC cov ncauj lus Yuav Ua Li Cas Yog Koj Mob \(What to Do If You Are Sick\)](#) thiab Xeev Minnesota [Txoj Kev Ntsuam Xyuas Tus Kheej \(Self-Screening Tool\)](#).
5. Qhia kom cov neeg qhua nco txog kev nyob sib nrug deb ntawm qhov chaw sawv daws nyob txog sab nraum zoov.
 6. Ua raws Minnesota cov kev tswj kom looj cov ntaub npog ntsej muag. Pib txij li lub Xya Hli Ntuj Hnub tim 25, 2020, cov pej xeem hauv Minnesota yuav tsum tau looj daim ntaub npog ntsej muag thaum mus rau tag nrho cov chaw lag luam sab hauv tsev thiab cov chaw sab hauv tsev uas pej xeem huab hwm mus rau raws li [Txoj Cai Yuam \(Executive Order\) 20-81](#). Ntxiv mus, cov neeg ua hauj lwm yuav tsum looj cov ntaub npog ntsej muag thaum ua hauj lwm nyob rau sab nraum zoov uas tsis muaj kev nyob sib nrug deb tau.
 - [Txoj Cai Yuam \(Executive Order\) muaj cov kev zam rau cov tib neeg uas tsis muaj peev xwm looj tau los sis tiv tsis taus daim ntaub npog ntsej muag vim yog ib yam kab mob kev nkeeg los sis kev puas siab ntsws puas hlwb los sis muaj lwm cov laj thawj. Puav leej muaj lwm qhov zwj ceeb uas hle tawm tau cov ntaub npog ntsej muag ib pliag los sis cov chaw uas tsis yuam kom muaj ntaub npog ntsej muag.](#) Piv txwv, tib neeg hle tau daim ntaub npog ntsej muag tib pliag thaum lawv nthuav qhia tus kheej, noj haus los sis sib tham nrog ib tug neeg lag ntseg los sis tsis hnov lus zoo.
 - Xav txhawb heev kom looj cov ntaub npog ntsej muag, tiam sis tsis yuam, rau cov tib neeg uas mus koom nrog cov kev ua si lom zem tawm roo. twg tsis muaj kev nyob sib nrug deb tau los sis tswj nyuab.
 - Cov ntaub npog ntsej muag **hloov TSIS TAU txoj kev nyob sib nrug deb.**
 - Xav paub ntxiv mus xyuas [Txoj Cai Yuam 20-81 Kev Yuav Tsum Looj Ntaub Npog Ntsej Muag thiab Cov Kev Pom Zoo \(Face Covering Requirements and Recommendations\)](#) thiab [MDH Cov Khwb Ntsej Muag thiab Khoom Tiv Thaiv Tus Kheej \(Facemasks and Personal Protective Equipment\) \(PPE\).](#)

7. Cov chaw ua kev lom zem tawm rooj yuav muaj cov khoom noj thiab dej haus yog tias lawv muaj raws li cov ntawv tso cai thiab raws li [Kev Coj Qhia Kom Nyob Nyab Xeeb rau Kev Rov Qhib Cov Khw Ua Noj Ua Haus thiab Khw Haus Dej Caw \(Stay Safe Guidance for Safely Reopening Restaurants and Bars\)](#).

Cov Neeg Ua Hauj Lwm

1. Kev ua hauj lwm nyab xeeb yog mob siab txhawb kom cov neeg ua hauj lwm muaj mob faj seeb qhia rau lawv tus thawj tswj xyuas neeg ua hauj lwm thiab nyob twj ywm rau tom tsev raws li kev coj qhia txog laj mej pej xeem kev nyab xeeb.
2. Cov neeg ua hauj lwm yuav tau siv cov kev ntxuav tes zoo, ua raws cov kev cai ua pa thiab xyeej txo kev siv lwm cov neeg ua hauj lwm cov xov tooj, cov rooj ua hauj lwm, cov chav ua hauj lwm, los sis lwm cov cuab yeej los sis khoom ua hauj lwm.
3. Cov chaw ua kev lom zem yuav tau tswj xyuas kom cov neeg qhua nyob sib nrug deb thaum lawv tuaj rau hauv cov chaw, cov neeg ua hauj lwm ntawm cov chaw los puav leej yuav tau ua raws cov kev nyob sib nrug deb thiab. Qhov no txhais tau tias yuav tsum muaj chaw sib nrug deb tsawg kawg yog 6 xib taws ntawm txhua tus tib neeg. **Yuav tsum muaj txoj kev nyob sib nrug deb no sab hauv thiab sab nraum lub tsev tib si, xws li ntawm cov tiaj ntaus pob golf, cov kab taug kev, cov chaw txo nkoy thiab lwm cov chaw sab nraum zoov.**
4. Txo kom tsawg txoj kev sib ttxuam tim ntsej tim muag ntawm neeg ua hauj lwm thiab neeg qhua npaum li t xo tau. Nqis tes siv cuab yeej saum huab cua los sis lwm cov kev tsis sib chhv/ kev nyob sib nrug deb kom cooj tau cov rooj thiab them cov nqi, qhia tau cov kev coj ua, los sis muag tej khoom xws li roj a los sis kab nuv ntses.

Kev Siv thiab Tu Ntxuav Lub Chaw

1. Cov chaw ua kev lom zem tawm rooj uas kheev laj mej pej xeem siv tau cov chaw sab hauv tsev uas muaj ttxuam nrog raws li kheev los ntawm [MN Lub Tswv Yim Nyob Kom Nyab Xeeb \(Stay Safe MN Plan\)](#). Puav leej mus xyuas [Kev Coj Qhia Kom Nyob Nyab Xeeb rau Cov Lag Luam & Cov Koom Haum \(Stay Safe Guidance for Businesses & Organizations\)](#) uas muaj feem xyuam kom paub meej ntxiv.
2. Yuav qhib tau cov chaw kho, muag thiab nthuav muag cov tsheb tsis khiav hauv kev loj, cov tsheb caij daus (snowmobile), thiab khoom caij hauv dej (watercraft) raws li kheev los ntawm [MN Lub Tswv Yim Nyob Kom Nyab Xeeb \(Stay Safe MN Plan\)](#) thiab raws li [Cov Lag Luam & Cov Koom Haum \(Stay Safe Guidance for Businesses & Organizations\)](#).
3. Qhib tau cov hav xuab zeb ntawm ntug dej raws li cov kev txvv txiav muaj los ntawm lub xeev, cov thawj coj hauv pab pawg los sis hauv lub zos. Yog tias ib lub hav xuab zeb ntawm ntug dej qhib



lawm, yuav tsum rhais cov kauj ruam nyob sib nrug deb. Thov mus xyuas [CDC Cov Kev Xam Txog Rau Cov Hav Xuab Zeb Ntawm Ntug Dej uas Pej Xeem Siv \(Considerations for Public Beaches\)](#) kom paub cov kauj ruam uas cov kws tswj hav xuab zeb ntawm ntug dej yuav tau rhais thiaj pab tiv thaiv tau cov neeg ua hauj lwm thiab cov neeg tuaj xyuas thiab kom tus kab mob COVID-19 sib kis qeeb.

4. Tswj xyuas kom cov neeg ua hauj lwm thiab cov neeg qhua mus siv tau cov chaw ntxuav tes thiab cov khoom tu ntxuav.
5. Yuav tsum ntxuav thiab tua tshuaj tsis tu ncua rau cov npoo xws li cov pob qhov rooj, cov txee, thiab lwm cov chaw neeg nquag chwv txog. Coj raws li [CDC Kev Coj Qhia Tu Ntxuav thiab Tua Tshuaj Rau Koj Lub Chaw \(Guidance on Cleaning and Disinfecting Your Facility\)](#) thiab [CDC Kev Coj Qhia Tu Ntxuav thiab Tua Tshuaj Rau Cov Chaw Rov Qhib Rau Laj Mej Pej Xeem Siv \(Reopening Guidance for Cleaning and Disinfecting Public Spaces\)](#).
6. **Tu ntxuav thiab tua tshuaj rau cov chav dej tsis tu ncua**, tshwj xeeb yog cov chaw nquag chwv txog, thiab tswj xyuas kom lawv muaj cov khoom siv ntxuav tes. CDD pom zoo kom siv cov [tshuaj tua kab mob zwm muaj npe nrog EPA](#) rau txoj kev ntxuav tu.
7. Ntawm cov chaw ua kev lom zem tawm rooj uas qhib rau laj mej pej xeem siv:
 - Chwv kom tsawg cov khoom sib qiv siv thiab txhawb kom nquag ntxuav tes/siv tshuaj pleev tes.
 - Txhawb kom cov neeg qhua xyeej txoj kev sib qiv khoom xws li cov pas ntaus pob golf, cov duav ntaus pob, cov phuam los sis lwm cov khoom ua si lom zem.

Kev Coj Qhia thiab Kev Qhia Txog Cov Koom Txoos

1. Ncua sij hawm los sis tso tseg cov kev sib sau ua pab pawg tawm rooj, uas tsis teev muaj rau nram no, uas yog coob tshaj 25 tus neeg. “Sib sau ua ke” yog: “... cov pab pawg neeg, uas tsis yog tib co neeg hauv ib yig, tuaj nyob ua ke sib ze rau ib qho laj thawj ua ib yam kev lom zem los sis sau ua ke tuaj nyob sib txaum, lub zej zog—txawm yog muaj peev xwm nyob sib nrug deb tau.” ([Txoj Cai Yuam \(Executive Order\) 20-74, nqe lus 7\(c\)](#))
2. Muaj tau cov koom txoos tawm rooj uas tsis yog muaj kev ntaus pob ncaws pob/kev kis las rau cov hluas thiab cov laus yog tias muab hloov kom haum raws li piav qhia nram no.
 - Tus neeg npaj koom txoos yuav tau tsim muaj lub Tswv Yim Npaj Tawm Tsam Tus Kab Mob COVID-19 (COVID-19 Preparedness Plan) tshwj xeeb kiag rau lub koom txoos.
 - Tej koom txoos, los sis tej ntu ntawm cov koom txoos ua rau sab nraum zoo ntawm ib lub chaw uas 1) tswj tau cov neeg mus los thiab neeg muaj pes tsawg leej thiab yeej kwv yees tau dog dig, los sis 2) uas muaj kev teeb tau, cooj tau, los sis xaiv tau cov rooj zaum rau neeg los sis kev pab tau zoo xws li no yuav tsum ua raws [Kev Coj Qhia Kom Nyob Nyab Xeeb Hauv Cov Tsev Lom Zem \(Guidance for Recreational Entertainment Venues\)](#) los sis [Kev Coj Qhia Teeb Rooj Zaum hauv Chaw Lom Zem \(Guidance for Seated Entertainment\)](#) thiab [Cov Tsev Muaj Rooj Sib Tham \(Meeting Venues\)](#), nrog rau txoj kev hwm cov kev txwv txiav kheev muaj neeg pes tsawg leej.
 - Tej koom txoos ua rau sab nraum zoov uas pej xeem huab hwm siv tau uas tsis yog lub chaw ceev tau neeg mus los/neeg muaj pes tsawg leej los sis teeb tau/cooj tseg tau cov rooj zaum

yuav tsum tsis muaj kev sib sau ua ke coob tshaj 25 tus tib neeg nyob rau ib qho chaw thaum ib lub sij hawm twg [Faj Seeb: neeg sib sau ua ke yuav xam muaj yog tag nrho cov neeg tuaj koom, cov neeg npaj tsa koom txoos, cov kws ceev xwm thiab cov neeg saib xyuas thiab yuav tsum muaj kev nyob sib nrug deb tshaj plaws].

- Cov neeg tuaj koom yuav tsum nyob sib nrug deb thawm lub koom txoos.
- Cov pab neeg tuaj txhawb rau cov neeg sib tw (xws li cov “neeg kho txhawb” rau tus neeg sib tw caij maus taus) yuav tsum xyeej t xo j kev nyob sib ze ua ke thiab yuav tsum nyob sib nrug deb ntawm lwm cov tsev neeg thawm kiag lub koom txoos.
- Cov neeg nyob ib cag siab yuav tsum tau nyob nrug sib deb, tsis txhob kheev muaj neeg coob tshaj cov kev txwv txiav, thiab ua raws nkaus Minnesota cov kev tswj kom looj cov ntaub npog ntsej muag.

Cov qauv nram no yog muab qhia ua piv txwv nkaus xwb. Cov teev no tsis tau muaj txhij txhua thiab cov kev lom zem yuav tsum ua raws li cov kev txwv txiav thiab/los yog raws li muaj chaw:

- Txoj kev sib tw nuv ntses los sis ib pab neeg sib tw uas muaj cov sij hawm team pib los sis muaj ntau qhov mus sib cuag kom tham tau txog cov kev txwv txiav ntawm neeg muaj pes tsawg leej sib sau ua ke, thiab sau ua ke rooj sib tham tim ntsej tim muag txog cov kev cai sib tw, cov kev ntsuas ntses, los yog cov koom txoos muab phaj tshab ua raws nkaus li cov kev txwv txiav ntawm neeg muaj pes tsawg leej sib sau ua ke los sis neeg muaj tau pes tsawg leej thooj txhij yuav tsum muaj kev nyob sib nrug deb tau.
- Txoj kev sib tw ntaus pob golf uas muaj cov sij hawm txawb pob rau ntaus sib txawv los sis tua phom pib thiab cov koom txoos muab phaj tshab saum huab cua, teeb cov rooj zaum saib rov pem ntej hauv lub tsev, los sis kho txawv kom ua raws nkaus li cov kev txwv txiav ntawm neeg muaj pes tsawg leej sib sau ua ke thooj txhij muaj kev nyob sib nrug deb tau.
- Txoj kev sib tw caij tsheb kauj vab los yog caij maus taus uas muaj cov sij hawm pib sib txawv (kom cov neeg sib tw nyob sib nrug deb ntawm cov kab caij sib tw) thiab tsis muaj cov chaw so haus dej uas nyob ua ke sib ze ntawm tib qho chaw coob tshaj 25 tus neeg rau ib lub sij hawm twg; thiab lub koom txoos muab phaj tshab hauv tshuab hluav taws xob, teeb cov rooj zaum saib rov pem ntej hauv ib lub tsev los sis lwm hom kev muab phaj tshab kom haum zoo.

3. Yeej kheev muaj cov kev ntiav coj los sis ntiav qhia (xws li ntiav coj mus qhia chaw nuv ntses los sis tua noog) yog tias nyob sib nrug deb thawm txoj kev coj qhia, txwv txiav neeg tsis pub sib sau ua ke muaj coob tshaj (10 leej neeg nyob sab hauv tsev/25 leeg sab nraum zoov), yuav tsis kheev cov neeg ntawm cov yim neeg sib txawv caij tsheb ua ke mus/los ntawm txoj kev coj qhia, thiab yuav tsum tsuag tshuaj ntxuav tej khoom cuab yeej uas neeg sib qiv siv tag. Cov neeg muab kev lom zem thiab cov neeg tuaj koom yuav tsum coj raws li cov kev tswj kom looj ntaub npog ntsej muag (mus xyuas [Txoj Cai Yuam 20-81 Kev Yuav Tsum Looj Ntaub Npog Ntsej Muag thiab Cov Kev Pom Zoo \(Face Covering Requirements and Recommendations\)](#)).

Cov Nkoj Ntiav Me thiab Cov Nkoj Ntiav Loj

1. Cov nkoj ntiav me thiab cov nkoj ntiav loj yuav tsum xyam lub Tswv Yim Npaj Tawm Tsam Tus Kab Mob COVID-19 (COVID-19 Preparedness Plan) raws li [Kev Coj Qhia Txog Cov Nkoj Ntiav Me thiab Nkoj Ntiav Loj \(Guidance for Charter and Launch Boats\)](#) thiaj khiav tau.

Khiab Siv Cov Khoom Cuab Yeej

1. Yeej kheev muaj cov kev khiab cov khoom cuab yeej ua kev lom zem tawm rooj yog tias yeej tu ntxuav huv si tau thaum siv ib zaug twg tag. Piv txwv, cov nkoj nquam canoe, cov nkoj nquam kayak, cov nkoj nuv ntses, cov tsheb kauj vab, cov tsev nkoj, thiab khiab tau cov tsheb caij ua si lom zem (cov RV) yog tias yeej muaj cov txheej txheem kev tu ntxuav yam khoom cuab yeej thiab tag nrho cov cuab yeej txuam nrog – xws li cov pas nquam, cov tsho hnav cawm siav hauv dej los yog cov kaus mom tawv – tom qab siv ib zaug twg tag/khiab ib zaug twg tag.
 - Kev tu ntxuav “cov khoom mos muag,” xws li cov tsho hnav cawm siav hauv dej los sis cov hnab ris khoom, yeej yuav muaj kev cov nyom. Yuav kheev khiab tau tej cuab yeej zoo li ntawd yog tias yeej muaj cov txheej txheem kev tu ntxuav tau zoo los sis muaj cov khoom ntau txaus siv kom muaj “sij hawm so tsis siv” mus txog 72 teev los sis ntev dua tom qab siv ib zaug twg tag thiaj txo tsawg tau txoj kev kis tus kab mob COVID-19. Mus xyas [Koom Haum Tsim Tsho Hnav Cawm Siav Hauv Dej \(Life Jacket Association\) qhov vas sab](#) kom paub cov qauv kev tu ntxuav.
 - Xav tu ntxuav cov cuab yeej nyob sab hauv lub chaw xws li hauv cov tsev nkoj los sis cov tsheb RV, ua raws [MDH Kev Coj Qhia rau Cov Tswj thiab Tswv Tsev Txais Tos Qhua \(Interim Guidance for Hotel Managers and Owners\)](#).
 - Cov chaw yuav tsum muaj cov txheej txheem kev txheeb npe tuaj thiab txheeb npe tawm kom meej uas txo tsawg tau txoj kev sib chwv ntawm cov neeg qhua thiab cov neeg ua hauj lwm.
 - Qee cov khoom cuab yeej khiab, xws li lub nkoj nuv ntses los sis lub tsheb caij hauv tshav ntaus pob golf, ib txwm yeej muaj tau ntau tshaj ib tug neeg siv ua ke. Thaum khiab tej khoom cuab yeej zoo li no, thaum xam txog txoj kev nyob kom sib nrug deb xav seb/yuav muab yam khoom ntawd sib qiv siv nrog leej twg. Cov khoom cuab yeej khiab nyob tau (xws li cov tsev nkoj, cov tsheb RV) tsuas kheev cov tib neeg nyob sib txawv yim siv ua ke tau yog tias nyob sib nrug deb tau txhua lub sij hawm. Yeej zoo tib yam nkaus li no rau cov khoom cuab yeej uas cov tib neeg siv yuav tau nyob sib ze (xws li cov tsheb caij hauv tshav ntaus pob golf, cov nkoj nquam kayak) tshwj tsis yog muab hloov kom muaj khoom thaiv cais cov neeg siv thiab lawv yuav tsum tsis txhob sib



hloo chaw. Lub nkoj khiab nuv ntses yuav tuav tau ob los sis peb tug tib neeg txawv yim nyob ntawm seb nws luaj li cas. Thaum twg yog tsis ntseeg siab tiag, tsuas muab cov khoom cuab yeej khiab rau cov tib neeg hauv tib yim siv xwb.

- Yuav tsum muaj kev nyob sib nrug deb thaum piav qhia kev siv los sis kev siv yam khoom cuab yeej khiab.

Cov Chaw Txawb Nkoj thiab Chaw Nres Nkoj

1. Cov chaw txawb nkoj thiab nres nkoj ntiaj thiab cov qhib rau laj mej pej xeem siv yuav muaj tau cov chaw cia khoom, chaw nres nkoj, thiab muaj cov kev tuav nkoj rau cov tswv tawm mus los, cov neeg khiab siv raws caij nyog los yog cov laj mej pej xeem siv. Qhov chaw no muaj kev rau cov neeg tsav nkoj muas roj a, siv cov lag kev, los sis muas/txais tau cov kev pab cuam uas yeej muaj kev tso cai los ntawm [MN Lub Tswv Yim Nyob Kom Nyab Xeeb \(Stay Safe MN Plan\)](#), xws li cov khoom noj muas nqa tau mus.

Kev Pw Nruab Zoo Ua Si

1. Yuav qhib cov tiaj pw nruab zoo uas muaj tsw thiab qhib rau laj mej pej xeem siv rau tsoj kev pw nruab zoo ua si yog tias lawv yeej tsim muaj lub Tswv Yim Npaj Tawm Tsam Tus Kab Mob COVID-19 (COVID-19 Preparedness Plan) haum raws li [Kev Coj Qhia txog Kev Rov Qhib Cov Tiaj Pw Nruab Zoo \(Guidance for Safely Reopening Campgrounds\)](#). Yuav qhib cov thaj chaw pw nruab zoo nyob sib deb los yog nyob nraim rau tsoj kev pw nruab zoo lom zem.
 - Thaj chaw pw nruab zoo nyob sib deb yog ib thaj chaw, tsis yog nyob rau ntawm ib tiaj chaw npaj rau kev pw nruab zoo, uas yog siv pw yav hmo ntuj.
 - Thaj chaw pw nruab zoo nyob nraim yog qhov chaw pw nruab zoo uas npaj rau kev ris khaub hnab khaub see los yog khoom caij hauv dej, tsis yog nyob rau ntawm ib tiaj chaw npaj rau kev pw nruab zoo, uas yog siv pw yav hmo ntuj.

Xav Paub Ntxiv

Yog tias koj muaj lus nug txog cov chaw ua kev lom zem tawm rooj uas tam sim no tau kev tso cai los sis cov ncauj lus ntawm cov kev coj qhia no, thov sau ntawv email tuaj rau peb. Thov faj seeb: peb yuav tsis teb rau cov lus nug los sis lus xav paub txog cov kev hloov uas yuav muaj ntawm cov kev txvw txiav thiab kev tswj rau cov kev ua si lom zem tawm rooj thiab cov chaw thaum lub caij muaj tus kab mob kis thoob ntiaj teb COVID-19 pandemic. Thiab, thov mus xyuas [MN Nyob Nyab Xeeb \(Stay Safe MN\)](#) kom paub ntxiv txog kev rov qhib qee hom lag luam thiab cov chaw rau neeg mus sib txuam ua ke uas tsis teev muaj nyob rau ntawm no.

COV LUS COB QHIA RAU LAJ MEJ PEJ XEEM

Txoj kev tawm mus nyob sab nraum zoov muaj ntau yam txiaj ntsim zoo. Peb txhawb kom muaj cov kev lom zem tawm rooj kom noj qab haus huv, txa tsawg cov kev ntxhov siab, thiab muab sij hawm nyob kom txaus siab nrog tej phooj ywg thiab lub tsev neeg. Tiam sis, nws tseem ceeb yuav tau ua raws li cov kev coj los ntawm Minnesota Tuam Tsev Tswj Xyuas Kev Noj Qab Haus Huv (mus xyuas [Kev Tiv Thaiiv Koj Tus Kheej thiab Koj Lub Tsev Neeg \(Protecting Yourself and Your Family\)](#) thiab [Cov Tswv Yim Ua Kom Kab Mob Sib Kis Qeeb \(Strategies to Slow the Spread\)](#)) thiab Cov Chaw Tswj Kab Mob (Centers for Disease Control) (mus xyuas [Kev Mus Saib Cov Tiaj Ua Si thiab Cov Chaw Ua Kev Lom Zem Tawm Rooj \(Visiting Parks and Recreational Facilities\)](#)) thiab ua raws cov kev coj thaum muaj kev lom zem tawm rooj kom tiv thaiv tau koj tus kheej thiab lwm cov neeg thiab kom tus kab mob COVID-19 sib kis qeeb:



Cov Kev Xam Txog Dav

1. Kom ua tau raws li lub xeev thiab tsoom fwv teb chaws txoj kev coj qhia kom txo tsawg tau txoj kev sib kis tus kab mob COVID-19 thiab tiv thaiv tau peb cov neeg nyob ib puag ncig, xav txhawb kom cov pej xeem Minnesota tsis txhob tawm rooj yam tsis tsim nyog. Yog tias yuav mus koom ib yam kev lom zem tawm rooj uas tau kev tso cai muaj, cov nram no yuav pab koj txog kev txo tsawg txoj kev sib kis kab mob:
 - Mus ncaj qha npaum li ncaj tau rau ntawm qhov chaw koj yuav mus thiab txo tsawg cov kev nres tom tog kev.
 - Npaj kom nqa tau txhua yam koj xav tau nrog koj.
 - Yog tias koj yuav tau nres sam roj los sis muas khoom siv, looj lub npog ntsej muag uas tsim ua hauv ib lub lag luam los sis xaws hauv tsev.
 - Ntxuav koj ob txhais tes los sis siv cov tshuaj pleev tes tom qab chhv tej npoo tag (pas sam roj, tes qhov rooj, cov chav dej neeg coob siv, thiab tej chaw li ntawd).
 - Tsis txhob mus tawm rooj yog muaj mob.
2. Mus xyuas tej chaw uas laj mej pej xeem siv tau nyob ze koj. Yog tias koj tuaj txog ntawm lub tiaj ua si, qhov chaw yuav mus ua si hauv dej, los sis qhov chaw ua si tawm rooj thiab pom tias muaj neeg coob, xaiv lwm txoj kev taug. Qhov no yuav pab kom koj nyob sib nrug deb tau thiab txo tsawg lub nras nyhav rau cov neeg ua hauj lwm thiab cov chaw muab kev pab. Thiab, xav txog kev mus thaum cov sij hawm tsis muaj neeg coob, xws li nruab nrab ntawm lub lim tiam, los sis yav sawv ntxov los sis yav lig thaum cov hnub so.

3. Yog tias koj khiab siv ib yam khoom cuab yeej – xws li lub nkoj nquam canoe los sis lub tsheb kauj vab – xav txog txoj kev nqa koj cov khoom tiv thaiv tus kheej xws li cov tsho hnauv cawm siav hauv dej thiab cov kaus mom tawv.
4. Ceev faj thaum chwv txog kev chwv cov chav tsev siv thiab cov khoom cuab yeej uas neeg sib qiv siv xws li cov khoom ua si ntawm lub chaw ua si playground, cov rooj noj haus tawm rooj, thiab cov rooj zaum tawm rooj. Yuav tsum xav tias cov khoom no tsis tau muaj neeg tu ntxuav. Ntxuav koj ob txhais tes los sis siv cov tshuaj pleev tes yog tias koj chwv cov chav tsev uas sib qiv siv.
5. Hwm cov paib uas txwv txiav tsis kheev mus los sis cov lus qhia txog kev siv lwm txoj kab ke los yog lwm qhov chaw ib ntus.
6. Nquag ntxuav koj ob txhais tes nrog tshuaj xub npum thiab dej luv kawg li 20 lij. Yog tias tsis muaj tshuaj xub npum thiab dej rau siv, siv cov tshuaj pleev tes uas muaj tsawg kawg li 60% cawv txuam. Pleev kom ntxaum tag nrho koj ob txhais tes thiab muab sib zuaj ua ke kom txog thaum twg hnov tes qhuav. Tsis txhob chwv koj cov qhov muag, qhov ntswg thiab qhov ncauj nrog cov tes tsis tau ntxuav.
7. Txhua tus neeg muaj cov kev mob tshwm sim zoo xws li tus kab mob COVID-19 (nrog rau kev ua npaws kub ib ce, hnoos, los sis ua pa nyuab) yuav tsum tau nyob twj ywm tom tsev thiab tsis txhob koom ua cov kev lom zem tawm rooj. Xav paub ntxiv, mus xyuas [CDC cov ncauj lus Yuav Ua Li Cas Yog Koj Mob \(What to Do If You Are Sick\)](#) thiab Xeev Minnesota [Txoj Kev Ntsuam Xyuas Tus Kheej \(Self-Screening Tool\)](#).
8. Ua raws Minnesota cov kev tswj kom looj cov ntaub npog ntsej muag. Pib txij li lub Xya Hli Ntuj Hnub tim 25, 2020, cov pej xeem hauv Minnesota yuav tsum tau looj daim ntaub npog ntsej muag thaum mus rau tag nrho cov chaw lag luam sab hauv tsev thiab cov chaw sab hauv tsev uas pej xeem huab hwm mus rau raws li [Txoj Cai Yuam \(Executive Order\) 20-81](#). Ntxiv mus, cov neeg ua hauj lwm yuav tsum looj cov ntaub npog ntsej muag thaum ua hauj lwm nyob rau sab nraum zoov uas tsis muaj kev nyob sib nrug deb tau.
 - Txoj Cai Yuam (Executive Order) muaj cov kev zam rau cov tib neeg uas tsis muaj peev xwm looj tau los sis tiv tsis taus daim ntaub npog ntsej muag vim yog ib yam kab mob kev nkeeg los sis kev puas siab ntsws puas hlwb los sis muaj lwm cov laj thawj. Puav leej muaj lwm qhov zwj ceeb uas hle tawm tau cov ntaub npog ntsej muag ib pliag los sis cov chaw uas tsis yuam kom muaj ntaub npog ntsej muag. Piv txwv, tib neeg hle tau daim ntaub npog ntsej muag tib pliag thaum lawv nthuav qhia tus kheej, noj haus los sis sib tham nrog ib tug neeg lag ntseg los sis tsis hnov lus zoo.
 - Xav txhawb heev kom looj cov ntaub npog ntsej muag, tiam sis tsis yuam, rau cov tib neeg uas mus koom nrog cov kev ua si lom zem tawm rooj thaum twg tsis muaj kev nyob sib nrug deb tau los sis tswj nyuab.
 - Cov ntaub npog ntsej muag **hloov TSIS TAU txoj kev nyob sib nrug deb.**
 - Xav paub ntxiv mus xyuas [Txoj Cai Yuam 20-81 Kev Yuav Tsum Looj Ntaub Npog Ntsej Muag thiab Cov Kev Pom Zoo \(Face Covering Requirements and Recommendations\)](#) thiab [MDH Cov](#)

Khwb Ntsej Muag thiab Khoom Tiv Thaiv Tus Kheej (Facemasks and Personal Protective Equipment) (PPE).

9. Ras paub cov xov xwm tshiab tshaj txog cov hom chaw twg yog cov qhib. Xav muaj kev sib cuag nrog DNR-chaw tswj xyuas cov tiaj ua si thiab av, mus xyuas DNR ghov vas sab los sis hu rau DNR qhov chaw qhia ncauj lus (651-296-6157 los sis 888-MINNDNR (888-646-6367)).
10. Thov faj seeb tias txawm cov kev ua si tawm rooj yeej raws li MN Lub Tswv Yim Nyob Kom Nyab Xeeb (Stay Safe MN Plan) thiab yeej kheev siv cov kev coj qhia no, los cov chaw ua kev lom zem tawm rooj tsis tag yuav qhib, los sis tsis muaj cov kev ceev cov kws muaj cai hauv zos kom txwv txiav cov kev ua si los sis kom kaw cov chaw ua si raws li lawv pom zoo. Ua ntej yuav mus saib ib lub chaw ua kev lom zem tawm rooj, xyuas kom tus tswv/neeg lis khiav hauj lwm yeej qhia meej tias nws yeej qhib tiag thiab yeej kheev muaj tau koj hom kev lom zem.

Kev Nyob Sib Nrug Deb thaum Muaj Cov Kev Lom Zem Tawm Rooj

1. Nyob kom sib nrug deb (nyob nrug tsawg kawg li 6 xib taws ntawm cov tib neeg hauv lwm yim). Qhov no tsis yog hais txog cov tiaj ua si thiab kab ke xwb – nws tseem ceeb rau ntawm cov chaw t xo nkoy, cov sam thiaj nuv ntses, thiab cov av yos hav zoov, thiab txhua lub sij hawm uas koj tawm hauv koj lub tsev mus.
2. “Yim neeg” txhais tau tias yog tag nrho cov tib neeg uas nyob ua ib ke hauv tib lub tsev los yog qhov chaw nyob, nrog rau chav tsev khiab nyob los sis lwm qhov chaw nyob zoo xws li ntawd.
3. Yog tias tsis muaj rab peev xwm nyob sib nrug deb tau thawm nkaus txoj kev lom zem tawm rooj ces koj yuav tau tsuas koom qhov kev lom zem ntawd nrog kiag cov neeg hauv koj yim xwb.
4. Tsis txhob caij tsheb ua ke mus koom cov kev lom zem tawm rooj nrog lwm cov neeg dua li cov hauv koj yim.
5. Xyeej txoj kev nyob sib ze ua ke ntawm cov chaw sawv daws siv xws li cov kab ke sib tshuam, cov chaw nres tsheb, cov sam thiaj nuv ntses, cov chaw t xo nkoy los yog cov chaw sam roj.
6. Puav leej mus xyuas cov lus coj qhia txog Kev Nyob Nyab Xeeb Thaum Muaj Kev Kis Las thiab Kev Ntaus Pob Ncaws Pob (Stay Safe During Athletic Activity and Sports).

Cov Kev Sib Tw Ua Si Tawm Rooj thiab Sib Sau Ua Ke

1. Tsis teev muaj cov koom txoos ntaus pob ncaws pob/kev kis las rau cov hluas thiab cov laus hauv cov kev coj qhia no; thov mus xyuas Kev Coj Qhia Kom Nyob Nyab Xeeb rau Cov Koom Txoos Ntaus Pob Ncaws Pob (Stay Safe Guidance for Organized Sports).
2. Rau cov kev lom zem tawm rooj uas tsis yog cov koom txoos ntaus pob ncaws pob/kev kis las rau cov hluas los sis cov laus, tsuas koom nrog cov kev sib tw, cov pab neeg sib tw, los sis cov kev sib tw uas:
 - Kheev cov neeg tuaj koom kom nyob sib nrug deb thawm lub koom txoos.
 - Tsis txhob txuam muaj neeg sib sau ua ke coob tshaj 25 leeg (xam muaj yog tag nrho cov neeg tuaj koom, cov neeg npaj tsa koom txoos, cov kws ceev xwm thiab cov neeg saib xyuas) nyob rau hauv ib qho chaw rau tib lub sij hawm yog tias muaj lub koom txoos nyob rau sab nraum zoov

uas tsis yog ib lub tsev uas yeej tswj tau txoj kev mus los/neeg muaj pes tsawg leej los sis teeb tau/cooj tseg tau cov rooj zaum, thiab

- Cov neeg nyob ib cag siab yuav tsum tau nyob nrug sib deb, tsis txhob kheev muaj neeg coob tshaj cov kev txwv txiav, thiab ua raws nkaus Minnesota cov kev tswj kom looj cov ntaub npog ntsej muag.

Cov qauv nram no yog muab qhia ua piv txwv nkaus xwb. Cov teev no tsis tau muaj txhij txhua thiab cov kev lom zem yuav tsum ua raws li cov kev txwv txiav thiab/los yog raws li muaj chaw:

- Txoj kev sib tw nuv ntses los sis ib pab neeg sib tw uas muaj cov sij hawm team pib los sis muaj ntau qhov mus sib cuag kom tham tau txog cov kev txwv txiav ntawm neeg muaj pes tsawg leej sib sau ua ke, thiab qhov chaw sib tham tim ntsej tim muag txog cov kev cai sib tw, cov kev ntsuas ntses, los yog cov koom txoos muab phaj tshab tsis kheev muaj tshaj li cov kev txwv txiav ntawm neeg muaj pes tsawg leej sib sau ua ke los sis lub chaw/lub tsev kheev muaj tau pes tsawg leej thooj txhij yuav tsum muaj kev nyob sib nrug deb tau.
 - Txoj kev sib tw ntaus pob golf uas muaj cov sij hawm txawb pob rau ntaus sib txawv los sis tua phom pib thiab cov koom txoos muab phaj tshab saum huab cua, teeb cov rooj zaum saib rov pem ntej hauv lub tsev, los sis kho txawv kom ua raws nkaus li cov kev txwv txiav ntawm neeg muaj pes tsawg leej sib sau ua ke thooj txhij muaj kev nyob sib nrug deb tau.
 - Txoj kev sib tw caij tsheb kauj vab los yog caij maus taus uas muaj cov sij hawm pib sib txawv (kom cov neeg sib tw nyob sib nrug deb ntawm cov kab caij sib tw) thiab tsis muaj cov chaw so haus dej uas nyob ua ke sib ze ntawm tib qho chaw coob tshaj 25 tus neeg rau ib lub sij hawm twg; thiab lub koom txoos muab phaj tshab hauv tshuab hluav taws xob, teeb cov rooj zaum saib rov pem ntej hauv ib lub tsev los sis lwm hom kev muab phaj tshab kom haum zoo.
3. Tsis txhob teeb tsa los sis mus koom cov kev sib sau ua ke uas muaj neeg coob tshaj 25 leeg tshwj tsis yog lawv yeej yog cov neeg hauv koj tib yig. Qhov no xam cov kev sib sau ua ke xws li ua noj ua haus tawm rooj los yog ci nqajj noj ua si tawm rooj, vim cov hom kev sib sau ua ke no yuav sib kis tau tus kab mob COVID-19.

Kev Caij Nkoj

1. Thaum twg mus caij nkoj ua si lom zem:

- Tsuas caij nkoj nrog cov neeg hauv kojyim neeg nkaus xwb.
- Yog tias koj caij nkoj nrog lwm cov uas tsis yog koj yim neeg, txwv txiav cov neeg caij kom tsawg tus thiaj muaj kev nyob sib nrug deb tau tsawg kawg li 6 xib taws txhua lub sij hawm ntawm cov tib neeg lwm yim, ras paub tias lub nkoj qhov luaj li cas thiab tsim ua zoo li cas muaj feem xyuam rau txoj kev ntim tau neeg pes tsawg tus.
- Tswj kom cov nkoj nyob sib cais deb li 6 xib taws. Tsis kheev nres nkoj rau ntawm hav xuab zeb los sis caij nrog lwm cov nkoj.
- Thaum twg txo/rub koj lub nkoj, muab sij hawm ntau thiab chaw dav heev rau cov neeg ua koj ntej kom lawv txo nkoj los sis rub nkoj tiav ua ntej koj los txog chaw.

- Faj seeb txog cov zwj ceeb ntawm cov chaw mus rau hauv dej vim nws yuav txawv dua cov xyoo dhau los. Txawm tias DNR-cov chaw mus rau hauv dej uas lawv tswj yeej qhib los qee cov chaw mus rau hauv dej uas laj mej pej xeem siv tau los yog muaj tsw yuav tsis tau qhib.



Kev Pw Nruab Zoo Ua Si

1. Yuav qhib cov tiaj pw nruab zoo uas muaj tsw thiab qhib rau laj mej pej xeem siv rau txoj kev pw nruab zoo ua si yog tias lawv yeej tsim muaj lub Tswv Yim Npaj Tawn Tsam Tus Kab Mob COVID-19 (COVID-19 Preparedness Plan) haum raws li [Kev Coj Qhia txog Kev Rov Qhib Cov Tiaj Pw Nruab Zoo \(Guidance for Safely Reopening Campgrounds\)](#).
2. Puav leej kheev muaj kev pw nruab zoo ua si ntawm cov chaw nyob sib deb los sis nyob nraim.
 - Thaj chaw pw nruab zoo nyob sib deb yog ib thaj chaw, tsis yog nyob rau ntawm ib tiaj chaw npaj rau kev pw nruab zoo, uas yog siv pw yav hmo ntuj.
 - Thaj chaw pw nruab zoo nyob nraim yog qhov chaw pw nruab zoo uas npaj rau kev ris khaub hnab khaub see los yog khoom caij hauv dej, tsis yog nyob rau ntawm ib tiaj chaw npaj rau kev pw nruab zoo, uas yog siv pw yav hmo ntuj.
3. Txawm tias cov tiaj pw nruab zoo thiab cov thaj chaw pw nruab zoo yeej kheev qhib lawm los tej zaum lawv yuav qhib tsis tau kiag vim yog cov neeg ua hauj lwm tsawg los sis lwm cov yam. Nco ntsoov txheeb kom paub meej tias qhov chaw yeej qhib tiag ua ntej yuav cia li mus rau.
4. Kom muaj tau txoj kev nyab xeeb thiab kev txaus siab ntawm txoj kev pw nruab zoo rau koj thiab rau lwm cov neeg:
 - Tuav tswv yim ua ntej. Thaum twg koj ua tau, cooj chaw ua ntej thiab muas cov ntawv tso cai, cov taws rauv, cov dej nkoog, thiab lwm cov khoom saum huab cua los sis hauv xov tooj ua ntej koj mus txog qhov chaw.
 - Npaj kom muaj txhij txhua rau tus kheej. Piv txwv, nqa tshuaj xub npum, cov tshuaj tsuag tej npoo, tshuaj pleev tes, ntaub npog ntsej muag, ntawv so tes/ntaub so tes thiab ntawv so quav kom txaus rau tus kheej, nyab tsam tsis muaj tej tim nyog muaj nyob rau ntawm qhov chaw.
 - Nyob kom sib nrug deb. Teeb koj thaj chaw pw nruab zoo—qhov chaw pw, qhov cub rauv taws thiab chaw noj haus—kom nyob nrug deb kawg nkaus ntawm lwm cov chaw pw nyob ib sab uas muaj lwm cov neeg txawv yim nyob rau. Tsuas qiv tau thaj chaw pw nruab zoo, lub tsev ntaub kaus, lub tsheb chaw pw los sis lub tsheb RV nrog lwm yim neeg yog tias koj yeej nyob sib nrug deb tau txhua lub sij hawm. Kev nyob sib nrug deb puav leej tseem ceeb hauv cov chav dej,

chaw them nqi, cov qhov cub rauv taws, cov kab ke thiab lwm cov chaw uas koj yuav mus poo nrog cov tib neeg txaww yim.

- Paub ua ntej koj yuav mus. Qee cov tsev muaj cov chav dej los yog chaw tso dej da yuav tsis qhib; yuav zoo tib yam li no rau cov chav tsev siv uas sawv daws sib qiv siv xws li cov tsev loj noj haus tawm rooj thiab cov sam thiaj loj ua yeeb yam tawm rooj. Txheeb saum huab cua los sis hu ua ntej kom koj paub npaj thaum koj tuaj txog.
- Ua raws cov kev cai. Ua raws tag nrho cov kev cai thiab kev qhia ntawm lub tiaj pw nruab zoo, txawm yuav yog sau ua ntawv los sis hais ua lus.

Lus Nthuav

Peb sawv daws muaj txoj luag num tiv thaiv peb tus kheej thiab cov pej xeem Minnesota ntawm tus kab mob COVID-19 txoj kev ua puas rau kev noj qab haus huv. Txoj kev coj raws MN Lub Tswv Yim Nyob Kom Nyab Xeeb (Stay Safe MN Plan) thiab cov kev coj qhia no, peb yuav muaj kev txaus siab rau ntawm pej xeem huab hwm, txo kom txoj kev sib kis tus kab mob COVID-19 qeeb, thiab txo tsawg lub nras ntawm cov kev kho kab mob kev nkeeg hauv cov zej zog thiab hauv Minnesota.

Xav Paub Ntxiv

Koj puas muaj lus nug txog cov ncauj lus teev ntawm no? [Sau ntawv email rau peb](#). Thov mus xyuas [MN Nyob Nyab Xeeb \(Stay Safe MN\)](#) kom paub ntxiv txog kev rov qhib qee hom lag luam thiab cov chaw rau neeg mus sib txuam ua ke uas tsis teev muaj nyob rau ntawm no.

Cov chaw muaj kev pab

Cov Chaw Tswj thiab Tiv Thaiw Kab Mob (Centers for Disease Control and Prevention) (CDC) Cov Kev Coj Qhia txog Cov Tiaj Ua Si thiab Cov Kev Lom Zem (Guidelines for Parks and Recreational Activities) – www.cdc.gov/coronavirus/2019-ncov/community/parks-rec/index.html

Cov Chaw Tswj thiab Tiv Thaiw Kab Mob (Centers for Disease Control and Prevention) (CDC) Cov Kev Coj Qhia – cdc.gov/coronavirus/2019-ncov/community/parks-rec/park-administrators.html

Cov Khoom thiab Cov Txheej Txheem Tu Ntxuav thiab Tua Kab pom zoo los ntawm EPA – epa.gov/coronavirus/guidance-cleaning-and-disinfecting-public-spaces- workplaces-businesses-schools-and-homes

Kev Coj Qhia rau Cov Tswj thiab Tswv Tsev Txais Tos Qhua – health.state.mn.us/diseases/coronavirus/lodgingcleaning.pdf

Minnesota Tuam Tsev Tswj Kev Noj Qab Haus Huv – health.state.mn.us/diseases/coronavirus/index.html

Teb Chaws Chaw Pab Tiaj Ua Si Cov Xov Xwm Tshiab Txog Tus Kab Mob Coronovirus – nps.gov/aboutus/news/public-health-update.htm

CO V L US CO J Q HIA TX O G KE V L OM ZEM TAW M ROOJ,
COV CHAW THIAB LAJ M E J PE J XEE M

Teb Chaws Koom Haum Tswj Xyuas Kev Lom Zem thiab Tiaj Ua Si (National Recreation and Park Association) – nrpa.org/our-work/Three-Pillars/health-wellness/coronavirus-disease-2019

Xeev Minnesota Cov Cai Yuam – mn.gov/governor/news/executiveorders.jsp

Xeev Minnesota Kev Ntsuas Kab Mob Tshwm Sim – mn.gov/covid19/for-minnesotans/if-sick/is-it-covid

Xeev Minnesota Cov Cai Yuam – mn.gov/governor/news/executiveorders.jsp

MN Nyob Kom Nyab Xeeb – <https://staysafe.mn.gov/>

Xov Xwm rau Cov Tib Neeg thiab Cov Tsev Neeg – <https://staysafe.mn.gov/individuals-families/index.jsp>

Xov Xwm rau Cov Lag Luam thiab Cov Koom Haum – <https://staysafe.mn.gov/industry-guidance/index.jsp>

Teb Chaws Asmeskas Chaw Pab Hav Zoov Nuj Txeeg Cov Xov Xwm Tshiab Txog Tus Kab Mob Coronavirus – fs.usda.gov/about-agency/covid19-updates

CDC Cov Kev Pab Sib Txuas Lus – www.cdc.gov/coronavirus/2019-ncov/communication/factsheets.html

CDC Kev Coj Qhia Tu Ntxuav thiab Tua Tshuaj Rau Koj Lub Chaw – www.cdc.gov/coronavirus/2019-ncov/community/disinfecting-building-facility.html

CDC Cov Chaw Muaj Kev Pab rau Cov Lag Luam thiab Cov Chaw Ua Hauj Lwm – www.cdc.gov/coronavirus/2019-ncov/community/organizations/businesses-employers.html

Teb Chaws Asmeska Fab Ceev Ciam Dej Cov Xov Xwm Txog COVID-19 (US Coast Guard COVID-19 Information) – www.uscg.mil/coronavirus

Teb Chaws Koom Haum Tswj Kev Cajj Nkoj Nyab Xeeb Kev Tu Ntxuav Tsho Hnav Cawm Siav Hauv Dej (National Safe Boating Council Life Jacket Sanitation) Cov Kev Pom Zoo – safeboatingcampaign.com/news/covid-19-cleaning-and-storing-your-life-jacket/



Minnesota Department of Natural Resources | mndnr.gov | 651-296-6157
500 Lafayette Road, St. Paul, MN 55155

Minnesota Department of Health | health.mn.gov | 651-201-5000
625 Robert Street North PO Box 64975, St. Paul, MN 55164-0975

Mus cuag.dnr@state.mn.us thov kom tau lwm hom ntaub ntawv.

07/27/2020